

KJKP „RAD“ d.o.o. Sarajevo, ul. Paromlinska 57, Sarajevo (u daljem tekstu „Naručilac radova“), koga zastupa direktor Selim Babić, dipl.ing.građ.

Broj rješenja: UF/I-889/01
Porezni broj : 01700105
Identifikacioni broj : 200316890001
Transakcijski račun broj: 338-900-22080776-49
UniCredit banka d.d. Sarajevo

i

G.D. „KONSTRUKCIJE“ d.o.o. Mostar, ul. Kočine 198, Mostar (u daljem tekstu: Izvođač radova), koga zastupa direktor Emir Isić

Broj rješenja: UF/I – 328/2000
PDV broj: 227007660005
Identifikacioni broj: 4227007660005
Transakcijski račun broj: 338-100-2250632434
Unicredit bank d.d.

zaključili su

U G O V O R

o izvođenju radova na izgradnji reciklažnog dvorišta na sarajevskom odlagalištu otpada

PREDMET UGOVORA

Član 1.

Predmet ovog Ugovora je izvođenje radova na izgradnji reciklažnog dvorišta na sarajevskom odlagalištu otpada, u skladu sa ponudom Izvođača radova broj 30-08-110-01/17 od 30.08.2017. godine, a prema Odluci o rezultatima okončanog postupka izbora najpovoljnijeg ponuđača za izvođenje radova na izgradnji reciklažnog dvorišta na sarajevskom odlagalištu otpada broj 05-03-04-17113/17 od 11.09.2017. godine donesene po Obavještenju o nabavci koje je Naručilac radova objavio na portalu javnih nabavki BiH dana 01.08.2017. godine.

Član 2.

Izvođač radova se obavezuje da će radove koje su predmet Ugovora vršiti u skladu sa potrebama Naručioca radova, a sve u skladu sa ponudom broj 30-08-110-01/17 od 30.08.2017. godine.

CIJENA

Član 3.

Izvođač radova se obavezuje da će Naručiocu radova iz predmeta Ugovora vršiti po cijenama iz Ponude broj 30-08-110-01/17 od 30.08.2017. godine.

Očekivana vrijednost Ugovora iznosi 590.096,47 KM bez uračunatog PDV-a sa uračunatim popustom.

Sastavni dio ugovora čini i specifikacija radova sa jedničnim cijenama bez uključenog PDV-om.

ROK IZVOĐENJA RADOVA

Član 4.

Rok izvršenja radova je 90 dana od datuma zaključenja Ugovora.

Član 5.

U slučaju kašnjenja u izvođenja radova do kojeg je došlo krivicom Izvođača radova, isti će platiti ugovornu kaznu u skladu sa Zakonom o obligacionim odnosima u iznosu od 1% od vrijednosti radova za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti koja je predmet narudžbe. Izvođač radova je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

NAČIN PLAĆANJA

Član 6.

Za izvršene radove, koji su predmet Ugovora, Izvođač radova će na osnovu narudžbe i radnih naloga koji su ovjereni od strane ovlaštenog predstavnika Naručioca radova ispostaviti Naručiocu fakturu.

Izvršene usluge Naručilac radova će platiti na transakcijski račun Izvođača radova u roku od 60 dana od dana fakturisanja.

Član 7.

Naručilac radova će isplatu izvršiti nakon izdavanja potvrde od strane nadzornog organa i ovlaštene osobe Naručioca o uspješno izvedenim radovima.

GARANCIJA

Član 8.

Izvođač radova je obavezan dostaviti garanciju za dobro izvršenje posla u iznosu od 10% od vrijednosti ugovora. Rok za dostavljanje garancije je deset (10) dana od dana potpisa ugovora.

KVALITET IZVRŠENJA RADOVA

Član 9.

Nadzor na izvršenju radova vršiti će Zavod za izgradnju Kantona Sarajevo i ovlaštene osobe ispred Naručioca radova.

Izvršilac radova dužan je sve radove koji pripadaju kategoriji nepredviđenih radova evidentirati u obrazcima koje odobrava nadzorni organ Zavoda za izgradnju Kantona Sarajevo i ovlaštena osoba ispred Naručioca radova.

Član 10.

Izvođač radova se obavezuje da će radove koje su predmet Ugovora vršiti kvalitetno, u skladu sa pravilima struke i u dogovorenom roku.

U slučaju nekvalitetno izvršenih radova Naručilac radova ima pravo od Izvođača zahtjevati da otkloni uočene nedostatke.

Reklamaciju na kvalitet izvršenih radova Naručilac radova saopštava Izvođaču radova odmah, a najkasnije sedam dana od dana preuzimanja izvršenih radova.

Član 11.

Rok za otklanjanje nedostataka je odmah, a najkasnije tri (3) dana od dana saopštavanja istih.

Član 12.

Izvršilac radova je dužan dati garanciju na izvedene radove u trajanju od dvanaest (12) mjeseci.

Član 13.

Izvršilac radova je dužan, nakon završetka radova, dostaviti projekat izvedenog stanja u pismenoj formi i CD-u u najmanje dva (2) primjerka, a najkasnije deset (10) dana od dana završetka svih radova.

Izvršilac radova je dužan dostaviti ateste/certifikate Naručiocu radova za svu robu koja će biti ugrađena na izgradnji reciklažnog dvorišta.

OSTALE ODREDBE

Član 14.

Za sve što nije regulisano ovim Ugovorom, primjenjivaće se odredbe Zakona o obligacionim odnosima.

Za sve eventualne sporove koje ugovorne strane ne budu mogle riješiti sporazumno nadležan je sud u Sarajevu.

Član 15.

Izmjene i dopune ovog Ugovora mogu se vršiti samo uz pismenu saglasnost ugovornih strana.

Član 16.

Sastavni dio ovog Ugovora je ponuda i specifikacija Izvršioca radova broj 30-08-110-01/17 od 30.08.2017. godine.

Član 17.

Ugovor stupa na snagu danom potpisivanja od strane obje ugovorne strane i traje do datuma realizacije obaveza koje su predmet ovog ugovora.

Član 18.

Ugovor je sačinjen u 6 (šest) istovjetnih primjeraka i to 2 (dva) za Izvršioca radova a 4 (četiri) za Naručioca radova.

Za G.D. "KONSTRUKCIJE" d.o.o.
Mostar
Direktor

Emir Isić

Za KJKP "RAD" d.o.o.
Sarajevo
Direktor

Selim Babić, dipl.ing.građ

SUPOTPISNIK UGOVORA

Predsjednik Nadzornog odbora

Broj 05-03-04- /17
Dana 28.09.2017. godine